



Bájkkeavijssa NuorttaSállto

Buorre tjaktjavádtsem Másskåj



Ájluovta nuorajskávlá tjaktjavádtsem 09 lij Ájláttes Másskåj/ Smájlláj. Ienemus oasse oahppijs ja áhpadiddijjs vádtsemij oassálasstin.

Æjvvalijma skávlán dábalasj ájggáj, ja manájma Ájláddáj lågenanavtan. Váttisijma Besta-gærggáj gánná anij vuostasj ganugasstemav. Lijma de vássám rádásamos oasev vádtsemis dan biejeve. Vádtsem de váren járkij. Gutta tijma mañnela vijmak gávnajma hiebalgis sajev gánná idjadit. Jávre namma ij diehttu, valla sadje lij Sæjmmatjáhká vuollelin. Danna lávdagádiijt tsieggijma ja biebmajt riejjidma. Lijma vuorbálatja dálkijn, biejevve bájtij. Miján lij tjáppa várdudahka várijn, máhtijma vuojnnet duola dagu Hatten, Lofáhtav, Stájgov, Hamaroyksaftet ja Státtatjáhkáv. Riek hávsskudalájma dan iehkeda, dálajn ja tjiehkádallamijn.

Mañep ideda loavddagijit vuosajda tsákkájma ja vádtsemav járkijma. Goarrijma dievájit ja bávtijit, ja bivástuvvama mañnela tjátje dagi, várráj jávsáidijma (birrusin 500m nuore badjela). Guhkev svarkestijma ávdvál vádtsájma vuolus rádes várev. Sieldes man rádes lij vuolus, iekap lij lásemus oasse vádtsemis. Muhtema unnán vaháguhteduvvin. Gá állu vuolus bádiijma vijmak tjátjev gávnajma ja oattjojma báhtálijt dievddet. Smájles Másskåj járkijma. Guhka biejeve mañnela juohkkahasj Másskåj jávsáidij. Besajma skávláv luojkkat báratijit, sjoavodittjat ja danna liehket. Ádiijma lávdagáidijn skávlá álgusjbielen. Oaddájma árrat dan iehkeda, gá galgajma árrat bajás mañep ideda. Badjánijma, bárájma, gárvedijma ja de kádjaj manájma. Galgajma Musken Laks ásadusájt gæhttjat. Boarre majt guossidijma guoddá namáv Bárjás. Danna barggin ulmutja, ja bákká lij riek buorre studentajda gudi dasi báhtin. Gá lijma boarrev gæhttjam, de besajma guollebiebmadam ásadusájt gehtjadit. Besajma guolijt biebmadiit, vuoj man moadda guole lidjin juohkka ásadusán. Gá gáddáj bádiijma de manájma gehtjatjit biednagoadev danna. Besajma gullat subtsasijit dalloj gá lij internáhtta danna. Paul Gælok (áhpadiddje Ájluovta nuorajskávlán) subtsastij dallutjij gá sán lij oahppe, ja internáhtan ároj. Subtsastij subtsasijit Máske skávlá birra aj. Gá gergajma de manájma vuossajit ja loavddagijit tsákkátjit, ja jáhtelisvantsajn davás Máske kájas manájma.



Guollebiebmadimvantsan. G.b. Einar, Mali, Diana, Dennis ja Hege.
Om bord på oppdrettsbåten. F.v. Einar, Mali, Diana, Dennis og Hege.
Gávová/Foto: Ingvild Storvik.

Dáhku galggap. Másskåj.
Dit skal vi. Musken.
Gávová/Foto:
Finn-Kåre Andorsen.



Idjadimsadje. Leirplassen vår. Gávová/Foto: Finn-Kåre Andorsen.